

儒學警悟七集

第一冊 石林燕語輯

懷慶府志

卷之五 風俗志

儒學鼓櫓

七十

卷

羅振玉署



校刻儒學警悟七集序

唐以來有類書宋以來有叢書朱氏紺珠曾氏類說已彙數十種而刻之然皆刪節不全至取各書之全者並序跋不遺前人以左圭百川學海爲叢書之祖顧學海刻於咸淳癸酉先七十餘年已有儒學警悟一書俞鼎孫俞經編計七集四十卷首爲石林燕語辨十卷玉山汪應辰撰有石林山人原序俞聞中跋語按石林燕語十卷宋葉夢得撰其子棟程模編明正德元年御史楊武重刊萬歷間商維濬刻於稗海中四庫總目云夢得爲紹聖舊人徽宗時嘗司編誥於朝章國典夙所究心故是書纂述舊聞皆有關當時掌故於官制科目言之尤詳又云陳振孫書錄解題謂其書成於宣和五年然其中論館伴遼使一條稱建炎三年又論宰相一條謂自元祐五年至今紹興六年

則書成於南渡之後振孫之書未核矣惟夢得當南北宋間戈甲空僊圖籍散失或有記憶失真攷據未詳之處故汪應辰作石林燕語辯而成都宇文紹奕亦作攷異以糾之應辰之書振孫已稱未見蓋宋末傳本即稀僅儒學警悟閒引數條與紹奕攷異同散見永樂大典中然寥寥無幾難以成編惟紹奕之書尚可哀集謹蒐采攷異各附夢得書本條之下云云咸豐間仁和胡珽心耘在京師詣清祕堂親檢大典第一萬四千八百卷悟字韻中鈔得汪氏辨目二百有二條有目無書歸與葉廷琯調生撰集辨一書初印於琳瑯祕室叢書第五集後又於印本覆校加數十籤荃孫見於周荇農師處曾假副本將各籤編入光緒壬辰有書賈自山西得儒學警悟全編六冊內有嘉靖壬辰吉庵王良棟錄藏題識一行明鈔明裝持來求售則汪

辨十卷在焉議價未成即為宗室伯羲祭酒購去向伯羲借觀伯羲鈔畀一帙而未許見原書荃孫轉付長沙葉奕彬并燕語及攷異各校本刻之固未知其鈔未全也近數年來伯羲所藏散出以重價購得此書始知俞成序為嘉泰元年辛酉正前乎百川學海七十二年也荃孫勘汪辨全書二百有二條與大典目合其中有目無文者止三條再按紹奕攷異五十八條僅當汪辨四之一而此五十八條中與汪辨同者有四十八條之多略異者八條不同者祇二條卷臣通判劍州即聖錫所薦賓僚晉接互相切磋大旨固然相同而何以二書展轉吻合如出一手豈傳鈔者於名目訛誤耶館臣以汪辨寥寥無幾難以成編而考異尚可裒集今汪辨二百二條全書具在而考異之不同於辨者僅二條寧不異歟儒學警悟既為叢書之鼻祖又

爲海內之孤帙其中燕語辨一集更爲直齋未見大典未錄之書一旦復出不可謂非人生之幸事也次爲演繁露六卷新安程大昌撰淳熙七年庚子自序八年辛丑陳應行跋俞成再跋按說郛本刪節不全嘉靖己酉程文簡裔孫煦刻十六卷此本六卷即煦刻卷第十一至卷第十六也此本條目卷第一止六事煦刻卷第十一有三十事其二三四卷與煦刻十二三四卷同其五卷內較煦刻卷第十五內多唐世疆境一事六卷內較煦刻卷第十六內多壓角一事此鈔本在嘉靖壬辰而煦刻在嘉靖己酉相距止十八年不可謂非同時而卷帙參差未知孰是又按此本目內注明別錄十卷續刊於乙集是原書固亦十六卷也而萬厯間鄧漢刻本亦十六卷外有續集六卷張海鵬重刊於學津討原中三爲嬾真子五卷廣陵馬永卿撰按

說郛本亦刪節不全維濬刻入稗海作五卷天一閣鈔本同此本亦五卷有篇名目錄足正商本之舛錯四爲攷古編十卷亦程大昌撰淳熙八年辛丑自序按目內攷古編下注共十卷續編十五卷再刊於丙集今李調元函海張海鵬學津討原均刻十卷與此本同五爲捫蝨新話八卷三山陳善撰上集紹興十九年乙巳自跋淳熙元年甲子陳益序下集紹興二十七年丁丑自跋淳熙五年戊戌攜李張諫跋按說郛本刪節不全錢曾藏本有二一宋鈔本不分卷數帙末有陳善跋一影摹宋刻本標題爲朝溪先生捫蝨新話釐爲十卷不列子兼名氏陳繼儒刻入寶顏堂祕笈作四卷毛晉刻入津逮祕書作十五卷按事分類雖卷次不同而條目相等然皆不足二百條此本上下兩集有目錄序跋二百則全目內注明析爲八卷與宋史志

合在敏求記之上爲最快事六爲螢雪叢說二卷即俞成
自撰附於其後有自序已開後人以己撰編入叢書之例
按目內螢雪叢說下注共二卷餘八卷再刊於丁集左氏
刊於百川學海商氏稗海繼之均作二卷與此本同惟此
本上卷內聲律及詩題兩條學海稗海均列於下卷之末
此外亦無出入說郭刪節不足論矣共書六種總四十卷
是爲完書前四書即甲乙丙丁部捫蝨新話爲續螢雪叢
說爲附而云七集四十一卷者捫蝨新話一種分上下兩
集螢雪叢說兩卷并爲第四十卷而又分上下也至目內
所謂續刊於乙丙丁集者殆有志未逮歟在荃孫架首尾
五年汪氏石林燕語辨是孤本演繁露賴真子錄攷古編
捫蝨新話螢雪叢說均以各本參互考訂歸陶君蘭泉付
之梓人固與安印百川學海同有功於藝林矣是書荃孫

始表章之而蘭泉傳古之功爲不可沒缺葉多訛字亦多
明鈔本往往如是多讀書者自能辨之歲在屠維協洽中
秋江陰繆荃孫序

按繆藝風先生卒於己未十一月初一日年七十有六
是書校畢在戊午冬間己未中秋前三日并譔序一篇
手授於湘以付梓時先生已病臥兩月今歲工竣先生
歸道山已三載矣爲之泣然壬戌仲冬武進陶湘記

儒學警悟七集

總目

太學俞鼎孫上舍俞經編

卷一之一

石林燕語辨

卷十一之十六

演繁露

卷十七之二十一

嬾真子錄

卷二十二之三十一

攷古編

卷三十二之三十五

捫蝨新話上集

卷三十六之三十九

捫蝨新話下集

卷四十上之下

螢雪叢說

以上石林燕語辨十卷演繁露六卷嬾真子錄五卷

攷古編十卷捫蝨新話兩集八卷螢雪叢說二卷總

計七集四十有一卷係懷玉汪尚書應辰聖錫新安

程待制大昌泰之廣陵馬侍讀永卿大年三山陳上

舍善子兼等纂輯成書累數十萬言並統紀於甲乙
丙丁集續又傳焉陳公所著捫蝨新話兩集二百則
今析爲八卷逐段標目稍涉時忌者削之于俞子以
螢雪叢說而續貂之先已攬在新話集內雜而無辨
故自爲一集以便稽考凡舉子之事業人事之勸懲
閒有出於己意皆薈蕞也然而或又得於師友之聲
歎者議論該博識見超拔大概爲儒學設亦爲警悟
用不專主太丘一說也吁其然乎其不然乎時嘉泰
辛酉正月十有五日元德父謹跋

迪功郎前福州永福縣尉巡捉私茶鹽事俞過紀次
儒林郎新授郴州桂陽縣主管勸農工事俞綱校正

儒學警悟七集目錄

卷之一

石林燕語辨卷之一

葉夢得撰子棟程模編汪應辰朔共十卷

葉氏原序

辨元憲當作元獻

辨賜禮賢宅

辨避禁中曰省中改詔書為制書及待制與待詔不同

辨昭考當作昭孝

辨婦人何不跪拜

辨母后加諡四字

辨范質王溥罷相薨年異同

辨宣仁太后受冊之禮

辨英宗當作仁宗

辨本朝諸禮之書

辨士夫家廟

辨皇考兩統二父之說

辨儒臣檢討唐事一兩條與五條

辨父母服爲父母報及文忠溫公議論不同

辨開國封公異同

辨中司薦京官及駁李資深除中允

辨侍講起立賜坐及論韓刁爲判院異同

卷之二

石林燕語辨卷之二

辨三公孤卿大夫異同

辨崇禮當作崇禋賜赦當作肆赦

辨尚書臺省贊拜僕射

辨二范除命非用吳雍例

辨文昌府東西向當爲東西相向

辨娣婦通書娣當作弟

辨羣臣常參傳聞不坐五日起居

辨宮殿所始

辨押班

辨機密園土機密當作譏察

辨集賢院學士與除待制沿革

辨馮元魯宗道爲講讀官

辨太宗加翰林爲學士

辨王禹玉爲學士

辨宰相加集賢崇文大學士

辨宰臣監修國史

辨樞密院直學士

辨本朝元祐以前宰相五十人

辨中制科入等

辨注輦國入貢年月

辨入宣政殿奏事

辨王徽夢至京師觀燈作述懷詩

卷之三 石林燕語辨卷之三

辨樞密使拜罷皆用麻

辨起居注記書事

辨禁乘狨坐

辨呂正惠寇萊公參政年月

辨郭進造第用甌瓦

辨哲宗元祐初未嘗語

辨淳化中所藏法帖及刻板

辨宣徽使班位

辨職事官先試後除

辨韓維除翰林學士

辨翰林學士結銜

辨尚書中書沿革

辨致仕辭謝致宴

辨王沂公除參政

辨郭待舉等入參政

辨進士榜分甲

辨朱諤請除常侍

辨禮部知名表印

辨席帽裁帽

辨繫金帶御仙花帶